

SCRIPTA

Numéro Scripta : 2570

Auteur(s) : Geoffroy IV, Perche (comte)

Bénéficiaire(s) : Tours, Saint-Martin de Marmoutier (abbaye)

Genre d'acte : charte

Authenticité : non suspect

Datation : 1194

Lieu d'émission : Bellême

Action juridique : confirmation

Langue du texte : latin

Analyse

Confirmation par Geoffroy, comte du Perche, de la donation faite par Guillaume de Gémages aux religieux de Marmoutiers de ce qu'il avait en la paroisse de Saint-Martin-du-Vieux-Bellême, consentie par tous ses parents qui peuvent y avoir intérêt.

Tableau de la tradition

Éditions principales

a. Barret Philibert (Abbé), *Cartulaire de Marmoutier pour le Perche*, Mortagne-au-Perche, Meaux (Documents sur la province du Perche ; 3e série, 2), 1894, n° 64, p. 82-83.

Dissertation critique

Geoffroy IV (ou III), comte du Perche, 1191-1202.

Texte établi d'après a

Laudabilis est scripture memoria, preterita enim deducit in presentem notitiam et que in presenti fiunt derivat in cognitionem posterorum et actiones humanas conservat et incommutabili loquitur veritate. Eapropter ego Gaufridus, Perticensium comes, ad conservationem memorie, ad robor negotii et perpetuam firmitatem ut dissolvi non possit presentibus et futuris beneficio hujus scripture notum fieri curavimus quod Guillelmus de Gemmagiis, miles, assensu et concessione Guilelmi Majoris de Cormis, dedit et concessit, accepta caritate centum et decem librarum conventui Majoris Monasterii et obedientie ipsorum de Belismo, totum tenementum et generaliter quidquid habebat apud S. Martinum de Veteri Bellemio in perpetuam elemosinam ; scilicet quidquid ibi habuerat Hugo de Praellis miles. Hoc autem concesserunt pater ejus et omnes fratres, uxor ejus et filius et omnes sorores, et alii amici et proximi ejus quorum assensus erat necessarius. Ego autem eandem elemosinam presenti pagina ad opus predictorum monachorum confirmavi et concessi in perpetuam possessionem, ut habeant eam, quiete, honorifice et pacifice, ut nullus eos super elemosina eadem audeat inquietare aut molestiam sive fatigationem aliquam inferre. Coram me enim data est elemosina et ego auctoritatem prebui et garantiam promisi, et garantizabo ego et omnes heredes mei. Testes sunt : Guillelmus de Lonreio senescallus ; et Gervasius de Lonreio patruus ejus, Guilelmus Fortin, Gaufridus Trichart, Raginaldus Pesat, Hugo Maufe, Nicholaus de Valnosia, capellanus monachorum, Hugo de Crucifixo et plures alii. Actum est hoc sollempniter apud Belismum in ecclesia monachorum. Anno ab incarnatione Domini M° C° nonagesimo III°.